

განცხადება კონკურსის ჩატარების შესახებ

ხულოს მუნიციპალიტეტის გამგეობა (მისამართი: დაბა ხულო, აბუსერისძე ტბელის ქ#1) აცხადებს კონკურსს საპროექტო-სახარჯთაღრიცხვო დოკუმენტაციის შესყიდვის მიზნით და იწვევს კონკურსში მონაწილეობის მისაღებად ყველა დაინტერესებულ პირს.

1. შესყიდვის ობიექტია ხულოს მუნიციპალიტეტის დეკანაშვილების საკრებულოს შენობის (მისამართი: დაბა ხულო, თამარის ქ#12) რეკონსტრუქცია-რემონტის საპროექტო-სახარჯთაღრიცხვო დოკუმენტაციის მომზადება ტექნიკური დავალების შესაბამისად.
2. შესყიდვის ობიექტის სავარაუდო ღირებულება შეადგენს 2500 ლარს
3. დაფინანსების წყარო-ხულოს მუნიციპალიტეტის ადგილობრივი ბიუჯეტი
4. შესყიდვის ობიექტის მიწოდების ვადა: ხელშეკრულების გაფორმების დღიდან არაუგვიანეს 25 დღისა
5. **კონკურსში მონაწილეობის საფასური**

5.1.საკონკურსო წინადადების წარდგენისთვის პირი იხდის საფასურს კანონის 19¹ მუხლის პირველი პუნქტით დადგენილი ოდენობით. საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებგვერდზე (www.procurement.gov.ge).

5.2. საფასურის გადახდის დამადასტურებელ დოკუმენტში მითითებული უნდა იყოს:

- ა) გადახდის დამადასტურებელი დოკუმენტის უნიკალური ნომერი და გადახდის თარიღი;
- ბ) შემსყიდველი ორგანიზაციის დასახელება და საიდენტიფიკაციო კოდი;
- გ) კონკურსანტის დასახელება და საიდენტიფიკაციო კოდი;
- დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

ამ მუხლის 5.2 მონაცემების დარღვევით გაცემული დოკუმენტის წარმოდგენის შემთხვევაში პრეტენდენტი იქნება დისკვალიფიცირებული

საკონკურსო წინადადება, რომელსაც არ შიცავს საფასურის გადახდის ქვითარს არ განიხილება.

6.კონკურსი ჩატარდება 2011 წლის 29 მარტს. 14 სთ-ზე. ხულოს მუნიციპალიტეტის გამგეობის შენობის პირველ სართულზე ოთახი 13.

7. საკვალიფიკაციო მონაცემები უნდა შეიცავდეს შემდეგ ცნობებს და ინფორმაციას:

7.1. იურიდიულმა პირმა და ინდ. მეწარმეებმა:

ა) ცნობა უფლებამოსილი ორგანოდან, რომ იურიდიული პირის მიმართ არ მიმდინარეობს გადახდისუუნარობის საქმის წარმოება;

ბ) ამონაწერი სამეწარმეო რეესტრიდან შესყიდვაში მონაწილეობის მსურველი პირის რეგისტრაციის შესახებ.

7.2. მეწარმე ფიზიკურმა პირმა:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

7.3. პრეტენდენტის მიერ წარმოდგენილი საკონკურსო წინადადება უნდა შეიცავდეს შემდეგ დამატებით დოკუმენტებსა და ინფორმაციას:

ა) გასაწევი მომსახურების ხარჯთაღრიცხვა ფასების ცხრილი (დღგ-ს ჩათვლით).

შესყიდვის ობიექტის საერთო და ერთეულის ფასი უნდა მოიცავდეს მომსახურების გაწევასთან დაკავშირებულ პრეტენდენტის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს.

სააგენსო ანგარიშსწორება არ გამოიყენება.

ბ) ინფორმაცია მიწოდების ვადების შესახებ;

გ) ინფორმაცია პრეტენდენტის მიერ უკანასკნელი 1 (ერთი) წლის (2010 წელი) განმავლობაში განხორციელებული ანალოგიური მიწოდების თაობაზე (ასეთის არსებობის შემთხვევაში);

დ) პრეტენდენტი პირის სრული რეკვიზიტები

8. საკვალიფიკაციო ცნობები და მონაცემები შესაბამისი უწყებიდან მიღებული უნდა იქნეს მხოლოდ საკურსო განცხადების გამოცხადების და მისი მიღების დასრულების ვადისა და პერიოდის გათვალისწინებით;

9. დაგვიანებით წარმოდგენილი საკონკურსო წინადადება და საკვალიფიკაციო დოკუმენტაცია (მათ შორის საკონკურსო წინადადების წარმოდგენისათვის საფასურის ქვითრის გარეშე) გატარდება რეგისტრაციაში, მაგრამ არ განიხილება და გაუხსნელად დაუბრუნდება კონკურსანტს;

10. საკონკურსო წინადადება ხელმოწერილი უნდა იქნეს კონკურსანტის მიერ, ხელმოუწერელი წინადადებები არ განიხილება;

11. არარეზიდენტმა ფიზიკურმა და იურიდიულმა პირებმა საკვალიფიკაციო მონაცემების დამადასტურებელი დოკუმენტები უნდა წარმოადგინონ თავიანთი ქვეყნის შესაბამისი უფლებამოსილი ორგანოებიდან, ნოტარიულად დამოწმებული თარგმანის თანხლებით.

12. კონკურსი ტარდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 10 თებერვალის ბრძანება №3 „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ საფუძველზე.

13. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან – ელდარ ბოლქვაძე, საკონკურსო კომისიის წევრი; 877-20-16-22. მისამართი: დაბა ხულო. აბუსერისძე ტბელის ქ#1. ხულოს მუნიციპალიტეტის გამგეობა. 1 სართული ოთახი #13

ტექნიკური დავალება

დაბა ხულოს თამარ მეფის ქ. №12-ში მდებარე დეკანაშვილების თემის ადმინისტრაციული შენობის რეკონსტრუქცია-რემონტის საპროექტო-სახარჯთაღრიცხვო დოკუმენტაციის მომზადებაზე დოკუმენტაციის შემადგენლობა:

1. საპროექტო დოკუმენტაცია:

საპროექტო დოკუმენტაცია წარმოდგენილ უნდა იქნას „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებით გათვალისწინებული შესაბამის კლასს განკუთვნილი ობიექტებისათვის საჭირო სამშენებლო დოკუმენტის პროექტის შემადგენლობით, გარდა მიწის ნაკვეთის სამშენებლოდ გამოყენების პირობებისა, რომელიც თავის მხრივ მოიცავს:

- განმარტებით ბარათს პროექტზე;
- არქიტექტურულ ნაწილს;
- კონსტრუქციულ ნაწილს;
- სან. ტექნიკურ ნაწილს;
- ელ. ტექნიკურ ნაწილს;
- გათბობას.

2. ხარჯთაღრიცხვა:

-ხარჯთაღრიცხვა უნდა მოიცავდეს პროექტის საფინანსო-სახარჯთაღრიცხვო ღირებულებას და მასში გათვალისწინებული უნდა იყოს მოქმედი კანონმდებლობით დადგენილი ყველა გადასახადი;

-ხარჯთაღრიცხვა დამუშავდეს ლოკალურ-რესურსული მეთოდით და სახარჯთაღრიცხვო ღირებულების განსაზღვრა მოხდეს 2011 წლის I კვარტლის დონეზე ფიქსირებული სამშენებლო რესურსების ფასებში სახარჯთაღრიცხვო ნორმების საფუძველზე, ამასთან:

ა) ტრანსპორტირების ხარჯები განისაზღვროს ძირითადი სამშენებლო მასალების ზიდვის მანძილის მიხედვით;

ბ) გათვალისწინებულ იქნეს ტექნიკური ზედამხედველობის ხარჯები.

3. მშენებლობის ორგანიზაციის პროექტი სამუშაოთა წარმოების კალენდარული გრაფიკით და მშენებლობის განხორციელების ეტაპებით.

ხულოს მუნიციპალიტეტის

გამგებელი:



საპროექტო დავალება

№	ჩამონათვალი	ძირითადი მოთხოვნები
1	ობიექტის დასახელება	ადმინისტრაციული შენობა
2	ობიექტის ადგილმდებარეობა	დაბა ხულო თამარ მეფის ქ. №12
3	პროექტირების სტადიურობა	ერთსტადიანი
4	ძირითადი მოთხოვნები	<p>ადმინისტრაციული შენობის რეკონსტრუქცია-რემონტი განხორციელდეს შემდეგი პირობებით</p> <ol style="list-style-type: none"> არსებულ ორსართულიან შენობაში რეკონსტრუქცია-რემონტის შემდეგ უნდა განთავსდეს: <ul style="list-style-type: none"> დეკანაშვილების ტერიტორიული ორგანოს ოფისი დღემდე არსებულ ფართზე (ორი-სამი კაბინეტი); არქივის სათავსოები თანამედროვე სტანდარტების მიხედვით; საბავშვო ბიბლიოთეკის სათავსოები თანამედროვე სტანდარტების მიხედვით; საშუალების შემთხვევაში დამატებითი სათავსოები. შენობას ჩაუტარდეს კონსტრუქციული კვლევა. საჭიროების შემთხვევაში გათვალისწინებულ იქნეს სათანადო ღონისძიებები; განისაზღვროს სარემონტო სამუშაოების მოცულობები და შედგეს სათანადო დეფექტური აქტი; არსებული ხის ფანჯრები შეიცვალოს მეტალოპლასტმასის ფანჯრებით (მინიპაკეტი); სახურავის ბურჯილი მოეწიოს მეტალოკრამიტით რელიეფურ-კლიმატური პირობების გათვალისწინებით; გათვალისწინებული იქნეს შენობის ავტონომიური გათბობა დიზელის საწვავზე; მოეწიოს შიგა და გარე ელექტრობის ქსელები; მოეწიოს შიგა და გარე ელექტრობის ქსელები; საპროექტო დოკუმენტაცია დამუშავდეს „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებით გათვალისწინებული შესაბამის კლასს განკუთვნილი ობიექტებისათვის საჭირო სამშენებლო დოკუმენტის პროექტის შემადგენლობით, გარდა მიწის ნაკვეთის სამშენებლოდ გამოყენების პირობებისა;
5	დამატებითი მოთხოვნები	<p>-სახარჯთაღრიცხვო დოკუმენტაციაში გათვალისწინებულ იქნეს მოქმედი კანონმდებლობით დადგენილი ყველა გადასახადი;</p> <p>-ძირითადი სამშენებლო მასალების ზიდვის მანძილად აღებულ იქნეს 86 კმ.</p>
6	ეგზემპლარების რაოდენობა	-საპროექტო-სახარჯთაღრიცხვო დოკუმენტაცია დამუშავდეს 5 (ხუთი) ეგზემპლარად. დაერთოს ელექტრონული ვერსია.
7	პროექტირების ვადები	ოცდახუთი დღე

ხულოს მუნიციპალიტეტის გამგებლის ინფრასტრუქტურისა და ეკონომიკის განვითარების სამსახურის უფროსი :

შეასრულა:

გ. ჩოგაძე

გ. დეკანაძე

ზოგადი განსაზღვრებები

საპროექტო დოკუმენტაციის შედგენისას გათვალისწინებული უნდა იქნას მშენებლობაში მიღწეული და დაგროვილი გამოცდილებები, ახალი ტექნოლოგიებისა და მოწყობილობების გამოყენება, ობიექტის ადგილმდებარეობისათვის დამახასიათებელი კლიმატური პირობები. ხარჯთაღრიცხვების შედგენისას საპროექტო დოკუმენტაციის ღირებულება უნდა განისაზღვროს დასაბუთებული კალკულაციებითა და ღირებულებებით.

მომზადებული საპროექტო-სახარჯთაღრიცხვო დოკუმენტაცია სრულ შესაბამისობაში უნდა იყოს „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის N57 დადგენილებით, „საქართველოს მიერ სხვა ქვეყნების ტექნიკური რეგლამენტების აღიარებისა და მოქმედების წესის შესახებ“ საქართველოს მთავრობის 2006 წლის 24 თებერვლის N45 დადგენილებით და „საქართველოს ტერიტორიაზე ტექნიკური ზედამხედველობისა და სამშენებლო სფეროში 1992 წლამდე მოქმედი ნორმების, წესების და ტექნიკური რეგულირების სხვა დოკუმენტების გამოყენების შესახებ“ საქართველოს ეკონომიკისა და მდგრადი განვითარების მინისტრის 2010 წლის 18 თებერვლის №1-1/251 ბრძანებით განსაზღვრულ პირობებთან.

შემსყიდველს უნდა წარედგინოს საპროექტო-სახარჯთაღრიცხვო დოკუმენტაციის 5 სრული ეგზემპლარი და ელექტრონული ვერსია. ელექტრონული ვერსია უნდა მოიცავდეს სრულ პროექტს წარმოდგენილს კომპაქტდისკზე, ჩაწერილს Archi Cad ან corel drav x4 პროგრამის ციფრული (ელექტრონული) ვერსიის სახით და ხარჯთაღრიცხვას ჩაწერილს Microsoft Office Excel პროგრამის ციფრულ (ელექტრონული) ვერსიის სახით. ასევე სრულ პროექტს ჩაწერილს Adobe Acrobat პროგრამის PDF ფორმატში, ერთი ფაილის მოცულობა არაუმეტეს 8 მგბ-სა.

იმ შემთხვევაში, თუ პროექტანტის დაშვებული ხარვეზების გამო რეაბილიტაციის პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენის ხარჯების ანაზღაურებას პროექტანტი იღებს თავის თავზე.

ამ დავალებასთან დაკავშირებული ნებისმიერი ანგარიშები, გრაფიკული ან სხვა სახის მასალები ეკუთვნის შემსყიდველს და რჩება მის საკუთრებაში.

საჭირო შემთხვევებში შემსყიდველი იტოვებს უფლებას შეიტანოს ცვლილებები საპროექტო დავალებაში – გაზარდოს ან შეამციროს მომსახურების მოცულობა.

პროექტირების პროცესში საპროექტო დავალებით გაუთვალისწინებელი სამუშაოების დაპროექტების საკითხი ზეპირი ან წერილობითი სახით თანხმდება შემსყიდველთან.

საკონკურსო წინადადება

თარიღი: _____

ვის: _____

(შემსყიდველი ორგანიზაციის დასახელება)

ვისგან: _____

(პრეტენდენტის დასახელება და მისამართი) შევისწავლეთ რა
საკონკურსო განცხადება თანახმა ვართ საკონკურსო განცხადების შესაბამისად
განვახორციელოთ _____

(შესყიდვის ობიექტის აღწერა)

მიწოდება და გთავაზობთ ზემოაღნიშნულის შესრულებას შემდეგ ფასად: -----

(თანხა ციფრობრივად და სიტყვიერად)

ჩვენი საკონკურსო წინადადების გამარჯვების შემთხვევაში, ვიღებთ ვალდებულებას დავიწყოთ შესყიდვის ობიექტის მიწოდება _____ დღის განმავლობაში და დავასრულოთ სახელმწიფო შესყიდვის შესახებ ხელშეკრულების (შემდგომ “ხელშეკრულება”) ძალაში შესვლიდან _____ დღეში საკონკურსო განაცხადის მოთხოვნების შესაბამისად (აქ შეიძლება ჩაიწეროს შესყიდვის ობიექტის მიწოდების გრაფიკი ან დაწყება-დასრულების კონკრეტული თარიღი).

წინამდებარე საკონკურსო წინადადება ძალაშია _____ დღის განმავლობაში, დაწყებული შემდეგი თარიღიდან: _____.

ამით ვადასტურებთ, რომ გაცნობილნი ვართ “სახელმწიფო შესყიდვების შესახებ” საქართველოს კანონსა და სახელმწიფო შესყიდვების სააგენტოს თავმჯდომარის 2011 წლის 10 თებერვალის ბრძანებას №3 „კონკურსის მემწეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ და კონკურსის მსვლელობის დროს ვიმოქმედებთ დადგენილი ნორმების ფარგლებში.

სატენდერო წინადადებას თან ახლავს შემდეგი დანართები:

1 _____

2 _____

3 _____

გასაწევი მომსახურების ხარჯთაღრიცხვა /ფასების ცხრილი/

(პრეტენდენტის დასახელება)

(შევესების თარიღი)

N	შესყიდვის ობიექტის დასახელება	ღირებულება	მომსახურების გაწევის ვადა
	დაბა ხულოს თამარ მეფის ქ. №12-ში მდებარე დეკანაშვილების თემის ადმინისტრაციული შენობის რეკონსტრუქცია-რემონტის საპროექტო-სახარჯთაღრიცხვო დოკუმენტაცია		